

Brjef ráðgjafaús fyrir Ísland til landshöfðingja viðvíkjandi þingsályktun um 57
 að mældur verði Húnaflói og uppsigling á Hvammsfjörð. — Eptir að Thorberg lands- 24. marz.
 höfðingi með brjefi 17. sept. f. á. hafði sent hingað ályktan samþykktu af alþingi um
 að mældur verði Húnaflói og uppsigling á Hvammsfjörð, ritaði ráðgjafinn fyrir Ísland
 sjóliðsstjórninni um málið og mæltist til þess, að hún yrði við beiðni þeirri, sem þings-
 ályktunin færi fram á. Sjóliðsstjórnin hefur svarað þessu þannig, að sig vanti hið nauð-
 synlega fje til mælinga þessara, en að hún fyllilega kannist við, að þeirra sje orðin
 þörf.

Þetta læt jeg ekki hjálða þjónustusamlega að tilkynna yður, herra landshöfð-
 ingi, til leiðbeiningar og til birtingar.

Brjef landshöfðingja til kaupstjóra Tryggva Gunnarssonar um samskotafjeð 58
 til styrktar þeim, er biðu tjón af öskufallinu í Múlasýslum 1875. — Í þóknanlegu 17. maí.
 brjefi, dagsettu 6. nóvember f. á. hafði þjer, herra kaupstjóri, skýrt frá, að í yðar vörzl-
 um sje fje, sem skotið haf verið saman sumarið 1875 til styrktar þeim, sem biðu tjón
 af öskufallinu í Múlasýslum það ár, og þareð þjer sjeuð einn eptir af mönnum þeim,
 sem gengust fyrir áminnstum samskotum, og yður því standi næst að ráðstafa fjenu,
 hafði þjer eptir samkomulagi við amtmanninn yfir norður- og austuramtinu ákveðið, að
 umgetið samskotafje verði lagt við styrktarsjóð stofnadan með skipulagsskrá 4. marz 1878
 handa þeim, er biða tjón af jarðeldi á Íslandi, en þó þannig, að fje þetta leggist við
 þann hluta tjeðs sjóðs, sem eingöngu er ætlaður til að ljetta neyð eða bæta tjón af
 jarðeldi, sem Múlasýslurnar síðar meir kynnu að verða fyrir. Hafði þjer því farið þess
 á leit, að landshöfðinginn veiti áminnstu samskotafje, sem eptir síðar meðteknum reikn-
 ingi frá yður nemur kr. 1375,91 viðtöku, til að leggjast við styrktarsjóðinn samkvæmt
 áðursögðu.

Þareð landshöfðinginn þegar áður í brjefi til amtmannsins yfir norður- og aust-
 uramtinu, dagsettu 24. júlí f. á. hefur samþykkt eptir tillögum amtsráðsins í tjeðu amti,
 að umrætt samskotafje sje lagt við styrktarsjóðinn handa þeim, sem biða tjón af jarð-
 eldi, og jeg sje ekkert því til fyrirstöðu eptir skipulagsskrá sjóðsins, að sú ákvörðun sje
 gjörð, að vöxtum og innstæðu samskotasjóðsins eingöngu sje varið í þarfir beggja Múla-
 sýs'nanna, er jeg fús á að veita nefndu fje viðtöku til þess að leggjast við styrktarsjóð-
 inn á þennan hátt, og skal jeg því skora á yður að greiða mjer fjeð, annaðhvort í pen-
 ingum eða í konunglegum ríkisskuldabryfum, svo fljótt sem hentugleikar yðar leyfa.

Brjef landshöfðingja til beggja amtmanna um umburðarbrjef dómsmálastjórn- 59
 arinnar viðvíkjandi flöskum, sem prinsinn af Monaco hefur kastað í Gólfstrauminn. 20. maí.
 — Í sambandi við brjef landshöfðingjans 24. f. m., sendist yður hjermeð, herra amt-
 maður, 1 expl. af umburðarbrjefi dómsmálastjórnarinnar¹ til allra amtmanna í konungs-

1) Umburðarbrjef þetta hljóðar svo:
 Dómsmálastjórnin.

Kaupmannahöfn 9. marz 1886.

Frá sendiherra hins frakkneska þjóðveldis hjer í borginni hefur dómsmálastjórnin gegnum ráð-
 herra utanríkismálanna fengið áskorun til dönsku stjórnarinnar um, að embættismenn í Danmörku ljái
 liðsinni sitt til, ef ske kynni að eitthvað af flöskum þeim, sem erfðaprinsinn af Monaco og Pouchet
 24. dag júnímán. 1886.

59 ríkinu, sem ráðgjafinn fyrir Ísland hefur sent mjer með brjefi 24. marz þ. á., en um-
20. maí. burðarbrjef þetta hefur inni að halda ýmsar nákvæmari upplýsingar um lögum á flösk-
um þeim, sem erfðaprinsinn af Monaco hefur kastað í Golfstrauminn, og skal jeg þjón-
ustusamlega skora á yður, að leggja fyrir lögreglustjórana í ömtum (amti) yðar, að gjöra
almenningi aðalatriðin í þessu umburðarbrjefi kunn á þann hátt, sem yður þykir bezt
við eiga.

60 Brjef landshöfðingja til *amtmannsins yfir vesturamtinu um sveitfesti Ragn-*
24. maí. *hildar Vigfúsdóttur.* — Hreppsnefndin í Helgafellshreppi hefur með brjefi dagsettu 11.
janúar þ. á. skotið til landshöfðingja úrskurði vesturamtsins frá 17. nóv. f. á., er felldi
úr gildi úrskurð sýslumannsins í Snæfellsnessýslu dagsettan 9. október f. á., en með
þessum úrskurði sýslumannsins var ákveðið, að ekkjan Ragnhildur Vigfúsdóttir ætti sveit
í Eyrarhreppi. Af skjölum málsins sjest, að nefnd Ragnhildur fluttist vorið 1875 frá
Rimabæ í Eyrarsveit að Berserkjahrauni í Helgafellssveit til sonar síns Jóhannesar og var hjá
honum uns hann dó sumarið 1884, fór hún þá til ekkju hans Steinunnar Jónsdóttur og
hefur dvalið hjá henni síðan. Haustið 1884 var að vísu gerð aðsjón á bjargræði fyrstjéðrar
Steinunnar, og þaræð það virtist ónógt var henni veittur 18 kr. styrkur af sveitarsjóði, en
einsog amtið hefur ljóslega sýnt getur þessi styrkur ekki álitist veittur optnefndri Ragn-
hildi, sem þannig hefur dvalið yfir 10 ár í Helgafellssveit, án þess á þeim tíma að hafa
þegið nokkurn sveitarstyrk. Úrskurður amtsins ber því að standa óraskaður.

Í forföllum landshöfðingja.

Jón Pjetursson.

61 Brjef landshöfðingja til *söfnunarsjóðsins í Reykjavík um hlunnindi samkvæmt*
25. maí. *tilskipun 5. jan. 1874 fyrir söfnunarsjóðinn í Reykjavík.* — Eptir að bónaibrjef yðar,
dagsett 5. janúar þ. á um hlunnindi samkvæmt tilskipun 5. janúar 1874 fyrir «Söfnun-
arsjóðinn í Reykjavík» hefur verið borið upp fyrir ráðgjafanum, veiti jeg sjóði þessum
hlunnindi þau, er getur um í nefndri tilskipun, 1. og 3. tölulið, um 5 ára tímabil, er
teljist frá 11. júní þ. á., þó með þeim skilyrðum: að ábyrgð sú, sem stofnendur sjóðsins
hafa tekizt á hendur með 2. gr. samþykktar 7. nóvbr. 1885, skerðist ekki; að ákvarðan-

prófessor í Parísarborg hafa kastað í Golfstrauminn, rækju við strendur Danmerkur, að þær þá verði
teknar upp með nauðsynlegri varkárni og að sömuleiðis skjöl þau, sem í þeim eru, verði send annað
hvort utanríkisstjórninni í Parísarborg eða erfðaprinsinum af Monaco, og að þeim verði látin fylgja
skýrsla um, hvaða dag og hvar flöskurnar hafi fundizt og hvernig þær þá hafi verið á sig komnar.

Að því er snertir lögum á flöskum þessum, hefur dómsmálastjórnin fengið þessar upplýsingar:
Í Golfstrauminn hefur verið kastað flöskum eða hylkjum með þrennskonar lagi:

1, 10 koparkúlum, 30 centimeter (hjerumbil 1 fet danskt) að þvermáli; hver kúla samanstend-
ur af tveim hálfkúlum, sem eru skrúfaðar saman í „kantsjuk“, sem skotið er inn á milli, með skrúf-
nögglum, sem finnandi strax tekur eptir, svo hann á hægt með að opna kúluna.

2, 20 tunnur, er taka 16 potta, í lögum eins og ölanker, með þykkum stöfum og járnþentar,
tjargaðar að innan og fylltar haframylsnu.

3, 150 algengar flöskur, með tappa í og „kantsjuk“-loki þar yfir.

Í hverju hylki er blað; er þar á frakknesku, dönsku og fleiri málum skýrt frá tilgangi blaðs-
ins og skorað á menn, að koma því til yfirvaldanna. Blaðið er í lokaðri glerpípu og þannig vafið sam-
an, að sjá má nokkuð af því, sem á það er prentað. — — —